

無量壽佛經中普賢菩薩

【普賢菩薩】

《佛說無量壽經》卷 1：「設我得佛，他方佛土諸菩薩眾來生我國，究竟必至一生補處——除其本願自在所化，為眾生故，被弘誓鎧，積累德本度脫一切；遊諸佛國修菩薩行，供養十方諸佛如來；開化恒沙無量眾生，使立無上正真之道；超出常倫諸地之行，現前修習普賢之德——若不爾者，不取正覺。」¹

《佛說無量壽經》卷 1：「又與大乘眾菩薩俱，普賢菩薩、妙德菩薩、慈氏菩薩等，此賢劫中一切菩薩。又賢護等十六正士：善思議菩薩、信慧菩薩、空無菩薩、神通華菩薩、光英菩薩、慧上菩薩、智幢菩薩、寂根菩薩、願慧菩薩、香象菩薩、寶英菩薩、中住菩薩、制行菩薩、解脫菩薩，皆遵普賢大士之德，具諸菩薩無量行願，安住一切功德之法，遊步十方，行權方便，入佛法藏，究竟彼岸，於無量世界現成等覺。/（普賢之德為諸菩薩所遵）...釋梵祈勸請轉法輪，以佛遊步、佛吼而吼，扣法鼓、吹法螺、執法劍、建法幢、震法雷、曜法電、澍法雨、演法施，常以法音覺諸世間，光明普照無量佛土。（請轉法輪，普照無量國土）一切世界六種震動，總攝魔界、動魔宮殿，眾魔懾怖莫不歸伏。擱裂邪網，消滅諸見，散諸塵勞，壞諸欲塹。嚴護法城，開闡法門；洗濯垢污，顯明清白；光融佛法，宣流正化。入國分衛獲諸豐饌，貯功德、示福田、欲宣法、現欣笑，以諸法藥救療三苦。顯現道意無量功德，授菩薩記成等正覺，示現滅度拯濟無極。消除諸漏，[植]殖眾德本，具足功德微妙難量。遊諸佛國，普現道教，其所修行清淨無穢。（遊諸佛國，普現教化）」²

《佛說無量壽經》卷 1：「設我得佛，他方佛土諸菩薩眾來生我國，究竟必至一生補處——除其本願自在所化，為眾生故，被弘誓鎧（鎧甲），積累德本度脫一切；遊諸佛國修菩薩行，供養十方諸佛如來；開化恒沙無量眾生，使立無上正真之道；超出常倫諸地之行，現前修習普賢之德——若不爾者，不取正覺。」³

《佛說無量壽經》卷 1：「譬如幻師現眾異像，...此諸菩薩亦復如是，學一切法貫綜縷練，所住安諦靡不感化，無數佛土皆悉普現，未曾慢恣、愍傷眾生。如是一之法一切具足，菩薩經典究暢要妙，名稱普至導御十方，無量諸佛咸共護念。佛所住者皆已得住、大聖所立而皆已立，如來導化各能宣布，為諸菩薩而作大師。以甚深禪慧開導[眾生]眾人，通諸法性（真諦），達眾生相（俗諦），明了諸國，供養諸佛。化現其身猶如電光，善學無畏曉了幻法。壞裂魔網，解諸纏縛。超越聲聞、緣覺之地，（非二乘地）得空無相、無願三昧。善立方便，顯示三乘。於此[化終]中下而現滅度，亦無所作、亦無所有，不起、不滅得平等法。（無所住著而修）具足成就無量總持百千三昧，諸根智慧廣普寂定，深入菩薩法藏，得佛

¹ (CBETA, T12, no. 360, p. 268, b8-14)

² (CBETA, T12, no. 360, p. 265, c17-p. 266, a25)

³ (CBETA, T12, no. 360, p. 268, b8-14)

華嚴三昧。宣[暢]揚演說一切經典（演說一切經典），住深定門，悉觀現在無量諸佛，一念之頃無不周遍。濟諸劇難諸閑不閑，分別顯示真實之際，得諸如來辯才之智。（依體起用）入眾言音，開化一切，超過世間諸所有法。心常諦住度世之道，於一切萬物隨意自在。（在俗不俗自在而修）為眾生類作不請之友，荷負群生為之重[擔]任。（不離眾生而修習之）受持如來甚深法藏，護佛種性常使不絕。（佛法的黃埔軍校--訓練人才之教育機構）興大悲、愍眾生，演慈辯、授法眼、杜三趣、開善門，以不請之法施諸黎庶，[如純孝之子]猶如孝子愛敬父母。於諸眾生視之若己，（視眾生若己：心佛眾生三無差別）一切善本皆度彼岸，悉獲諸佛無量功德，智慧聖明不可思議。如是菩薩無量大士不可稱計，一時來會。

/

爾時，世尊諸根悅豫，姿色清淨，光顏巍巍。尊者阿難承佛聖旨，即從座起，偏袒右肩，長跪合掌而白佛言：「今日世尊諸根悅豫，姿色清淨，光顏巍巍，如明鏡淨影暢表裏，威容顯耀超絕無量，未曾瞻覩殊妙如今。唯然，大聖！我心念言：『今日世尊住奇特法、今日世雄住佛所住、今日世眼住導師行、今日世英住最勝道、今日天尊行如來德。去來現在佛佛相念，得無今佛念諸佛耶？何故威神光光乃爾？』（有淨土之殊勝法將出現）」⁴

《佛說無量壽經》卷 1：「佛言：『善哉，阿難！所問甚快。發深智慧真妙辯才，愍念眾生問斯慧義。如來以無盡大悲矜哀三界，所以出興於世，光闡道教，普令群萌獲真法利。（如來出與於世之因緣）無量億劫難值難見，猶靈瑞華時時乃出。今所問者多所饒益，開化一切諸天人民。』阿難！當知如來正覺其智難量，多所導御，慧見無礙，無能遏絕。以一[食=餐]噉之力，能住壽命億百千劫無數無量，復過於此。（以極少之力，即可得此殊勝之法）諸根悅豫不以毀損，姿色不變光顏無異。所以者何？如來定慧究暢無極，於一切法而得自在。』」⁵

**《佛說無量壽經》卷 1：「阿難！法藏比丘於彼佛所諸天、魔、梵、龍神八部大眾之中發斯弘誓，建此願已（指四十八願），一向專志莊嚴妙土。所修佛國[恢]開廓廣大，超勝獨妙，建立常然，無衰、無變。（永遠建立常然衰變之國土）於不可思議兆載永劫積[植]殖菩薩無量德行，不生欲覺、瞋覺、害覺，不起欲想、瞋想、害想，不著色、聲、香、味、觸之法。（金剛經所謂「不住聲、香、味、觸、法生心」者）忍力成就，不計眾苦。少欲知足，無染恚癡，三昧常寂，智慧無礙。無有虛偽諂曲之心，和顏軟語先意承問，勇猛精進志願無[倦]倦，專求清白之法。以[惠]慧利群生，恭敬三寶，奉事師長；以大莊嚴具足眾行，令諸眾生功德成就。住空、無相、無願之法，無作、無起，觀法如化。（無住之觀法）遠離麁言、自害、害彼、彼此俱害，修習善語，自利、利人、[人]彼我兼利。棄國、捐王，絕去財色。自行六波羅蜜，教人令行。

「無央數劫積功累德，隨其生處在意所欲，無量寶藏自然發應（內在寶藏），教

⁴ (CBETA, T12, no. 360, p. 266, a26-c7)

⁵ (CBETA, T12, no. 360, p. 266, c10-21)

化安立無數眾生。住於無上正真之道，或為長者、居士、豪姓、尊貴，或為剎利國君、轉輪聖帝，或為六欲天主乃至梵王。常以四事供養恭敬一切諸佛，如是功德不可稱說。口氣香潔如優鉢羅華⁶，身諸毛孔出栴檀香，其香普熏無量世界；(功德與戒定真香所顯現者)容色端正，相好殊妙(正報莊嚴)，其手常出無盡之寶，衣服、飲食珍妙華香，諸蓋幢幡莊嚴之具。(依報莊嚴)如是等事超諸[天人]人天，於一切法而得自在。」阿難白佛：「法藏菩薩為已成佛而取滅度、為未成佛？為今現在？」佛告阿難：「法藏菩薩今已成佛，現在西方，去此十萬億剎，其佛世界名曰安樂。」

阿難又問：「其佛成道已來為經幾時？」佛言：「成佛已來凡歷十劫。其佛國土自然七寶——金、銀、琉璃、珊瑚、琥珀、[碑磬]車渠、[碼瑙]瑪瑙——合成為地，恢廓曠蕩不可限極。悉相雜廁，轉相入間，光赫焜耀，微妙奇麗，清淨莊嚴，超踰十方一切世界眾寶中精，其寶猶如第六天寶。又其國土無須彌山及金剛圍一切諸山，亦無大海、小海、溪渠、井谷。佛神力故，欲見則[現]見。亦無地獄、餓鬼、畜生諸難之趣。亦無四時——春、秋、冬、夏——不寒、不熱，常和調適。」⁷

《佛說無量壽經》卷 2：「佛言：「一名觀世音，二名大勢至。[此]是二菩薩於[此]此國土修菩薩行，命終轉化生彼佛國。阿難！其有眾生生彼國者，皆悉具足三十二相，智慧成滿，深入諸法，究暢要妙，神通無礙，諸根明利。其鈍根者成就二忍，其利根者得[不可計]阿僧祇無生法忍。又彼菩薩乃至成佛不[受]更惡趣，神通自在常識宿命，除生他方五濁惡世，示現同彼如我國也。」

佛[告]語阿難：「彼國菩薩承佛威神，一食之頃往詣十方無量世界，恭敬供養諸佛世尊，隨心所念，華香、伎樂、繒蓋、幢幡，無數無量供養之具自然化生，應念即至，珍妙殊特非世所有。(心無罣礙，故感自然化現)[輒]轉以奉散諸佛、[及]諸菩薩、聲聞大眾，在虛空中化成華蓋，光色晃耀，香氣普熏。其華周圓四百里者，如是轉倍，乃覆三千大千世界，隨其前後以次化沒。其諸菩薩僉然欣悅，於虛空中共奏天樂，以微妙音歌歎佛德，聽受經法歡喜無量。供養佛已、未食之前，忽然輕舉還其本國。(供養遍法界)」

佛語阿難：「無量壽佛為諸聲聞、菩薩大眾頒宣法時，都悉集會七寶講堂，廣宣道教，演暢妙法，莫不歡喜，心解得道。即時四方自然風起，普吹寶樹出五音聲，雨無量妙華隨風[四散]周遍，自然供養如是不絕。一切諸天皆齎天上百千華香、萬種伎樂供養其佛及諸菩薩、聲聞大眾，普散華香、奏諸音樂，前後來往更相開避。當斯之時，熙然快樂不可勝言。(依正二報，並皆莊嚴)」

佛[語]告阿難：「生彼佛國諸菩薩等，所可講說常宣正法，隨順智慧無違無失。於其國土所有萬物，無我所心、無染著心，去來進止情無所係，隨意自在無所適

⁶ 又作優婆羅花。即睡蓮。此花屬睡蓮科，似蓮而小，葉浮在水面上，廣卵形全緣，表面為有光澤的暗綠色，葉背是淡綠色。根與種子可食用。漢譯 紅蓮花。佛典中，漢譯作「青蓮華」。如《慧苑音義》：「優鉢羅花，其葉狹長，近下小圓，向上漸尖，佛眼似之，經多為喻。其花莖似藕，稍有刺也。」

⁷ (CBETA, T12, no. 360, p. 269, c6-p. 270, a15)

莫，無彼、無我，無競、無訟。(無我、我所，情無所係)於諸眾生得大慈悲饒益之心、柔軟調伏無忿恨心、離蓋清淨無厭怠心、等心、勝心、深心、定心、愛法樂法喜法之心、滅諸煩惱離惡趣心，(無諸煩惱)究竟一切菩薩所行，具足成就無量功德，得深禪定諸通明慧，遊志七覺修心佛法，肉眼清徹靡不分了、天眼通達無量無限、法眼觀察究竟諸道、慧眼見真能度彼岸、佛眼具足覺了法性。(五眼具足)以無礙智為人演說，等觀三界空無所有，志求佛法具諸辯才，除滅眾生煩惱之患。從如來生，解法如如，善知[集]習滅，音聲方便。不欣世語，樂在正論，修諸善本，志崇佛道。知一切法皆悉寂滅，生身煩惱二餘俱盡。聞甚深法心不疑懼，常能修行其大悲者。深遠微妙靡不覆載，究竟一乘至于彼岸。決斷疑網，慧由心出，於佛教法該羅無外。(該羅無外之法)

「猶如雪山，照諸功德等一淨故；猶如大地，淨穢好惡無異心故；猶如淨水，洗除塵勞諸垢染故；猶如火王，燒滅一切煩惱薪故；猶如大風，行諸世界無障[礙]闕故；猶如虛空，於一切有無所著故；猶如蓮華，於諸世間無染污故；猶如大乘，運載群萌出生死故；(於世、出世無染污故)猶如重雲，震大法雷覺未覺故；猶如大雨，雨甘露法潤眾生故；如金剛山，眾魔外道不能動故；如梵天王，於諸善法最上首故；如尼拘類樹，普覆一切故；如優曇鉢華⁸，希有難遇故；如金翅鳥，威伏外道故；如眾遊禽，無所藏積故；猶如牛王，無能勝故；猶如象王，善調伏故；如師子王，無所畏故。」⁹(故無能勝)

「曠若虛空，大慈等故；摧滅嫉心，不[要]望勝故。專樂求法，心無厭足；常欲廣說，志無疲倦。擊法鼓、建法幢、曜慧日、除癡闇、修六和敬、常行法施，志勇精進，心不退弱。為世燈明、最勝福田，常為[導師]師導等無憎愛。唯樂正道無餘欣[戚]感，拔諸欲刺以安群生，功德殊勝莫不尊敬，滅三垢障遊諸神通。因力、緣力、意力、願力、方便之力、常力、善力、定力、慧力、多聞之力、施戒、忍辱、精進、禪定、智慧之力、正念止觀諸通明力、如法調伏諸眾生力，如是等力一切具足。身色相好，功德、辯才具足莊嚴，無與等者。恭敬供養無量諸佛，常為諸佛所共稱歎。究竟菩薩諸波羅蜜，修空無相無願三昧、不生不滅諸三昧門，遠離聲聞緣覺之地。」(CBETA, T12, no. 360, p. 273, b25-p. 274, b15)/

《佛說無量壽經》卷 1：「微風徐動，出[吹諸枝葉演出無量妙法音]妙法音，[其聲流布遍諸]普流十方一切佛國。[聞其]其聞音者得深法忍，住不退轉至成佛道，不遭苦患；目覩其色、耳聞其音、鼻知其香、[口]舌嘗其味、身觸其光、心以法緣，一切皆得甚深法忍，住不退轉至成佛道，六根清徹無諸惱患。」(六根清淨，無諸染著故)

《佛說無量壽經》卷 1：「佛告阿難：「世間帝王有百千音樂，自轉輪聖王乃至第

⁸ 優曇華又優曇婆羅為梵語，意為靈瑞花、空起花、起空花。佛教經文中稱此花為「仙間極品之花」，開花被當作吉祥的徵兆，代表聖人轉輪法王(金輪王)(佛)出世，三千年才開一次花，開後隨即凋謝。據《法華文句》四上：「優曇花者，此言靈瑞。三千年一現，現則金輪王出。」《慧琳音義》卷八則說：「優曇花，梵語古譯訛略也。梵語正雲烏曇跋羅，此雲祥瑞靈異。天花也。世間無此花。若如來下生、金輪王出現世間，以大福德力故，感得此花出現。」

⁹ (CBETA, T12, no. 360, p. 273, c14-p. 274, a29)

六天上，伎樂音聲展轉相勝千億萬倍；第六天上萬種樂音，不如無量壽國諸七寶樹一種音聲千億倍也。亦有自然萬種伎樂，又其樂聲無非法音，清[揚]暢哀亮，微妙和雅，十方世界音聲之中最為第一。

「[其]又，講堂、精舍、宮殿、樓觀皆七寶莊嚴，自然化成，復以真珠、明月摩尼眾寶以為[交絡]交露，覆蓋其上。內、外、左、右有諸浴池，或十由旬，或二十、三十，乃至百千由旬，縱廣深淺[皆各各皆一等，八功德水¹⁰湛然盈滿，清淨香潔味如甘露。黃金池者底白銀沙，白銀池者底黃金沙，水精池者底琉璃沙，琉璃池者底水精沙，珊瑚池者底琥珀沙，琥珀池者底珊瑚沙，車渠池者底[碼碯]瑪瑙沙，瑪瑙池者底車渠沙，白玉池者底紫金沙，紫金池者底白玉沙，或二寶、三寶乃至七寶轉共合成。其池岸上有栴檀樹，華葉垂布，香氣普熏。天優鉢羅華(青蓮花)、鉢曇摩華(紅蓮花)、拘物頭華(黃蓮花)、分陀利華(白蓮花：光彩奪目、味道芳香，非世間所有)，雜色光茂彌覆水上。」¹¹

¹²《佛說無量壽經》卷1：「(以下述隨心所欲而得自在) 彼諸菩薩及聲聞眾若入寶池，意欲令水沒足，水即沒足；欲令至膝，即至于膝；欲令至腰，水即至腰；欲令至頸，水即至頸；欲令灌身，自然灌身；欲令還復，水輒還復。調和冷暖自然隨意，開神悅體蕩除心垢，清明澄潔淨若無形。寶沙映徹無深不照，微瀾迴流轉相灌注，安詳徐逝不遲不疾。波揚無量自然妙聲，隨其所應莫不聞者，或聞佛聲，或聞法聲，或聞僧聲，或寂靜聲、空無我聲、大慈悲聲、波羅蜜聲，或十力無畏不共法聲、諸通慧聲、無所作聲、不起滅聲、無生忍聲，乃至甘露灌頂眾妙法聲。如是等聲，稱其所聞歡喜無量，隨順清淨離欲寂滅真實之義、隨順三寶力無所畏不共之法、隨順通慧菩薩聲聞所行之道。無有三塗苦難之名，但有自然快樂之音，是故其國名曰[安]極樂。

阿難！彼佛國土諸往生者，具足如是清淨色身、諸妙音聲、神通功德，所處宮殿、衣服、飲食、眾妙華香莊嚴之具，猶第六天自然之物。若欲食時，七寶[鉢]應器自然在前，金、銀、琉璃、車渠、瑪瑙、珊瑚、琥珀、明月真珠如是眾鉢隨意而至，百味飲食自然盈滿。雖有此食實無食者，但見色、聞香，意以為食，自然飽足，身心柔軟，無所味著。事已化去，時至復現。」

《佛說無量壽經》卷1：「阿難！彼佛國土諸往生者，具足如是清淨色身、諸妙音聲、神通功德，所處宮殿、衣服、飲食、眾妙華香莊嚴之具，猶第六天自然之物。若欲食時，七寶[鉢]應器自然在前，金、銀、琉璃、車渠、瑪瑙、珊瑚、[琥珀]琥珀、明月真珠如是眾鉢隨意而至，百味飲食自然盈滿。雖有此食實無食者，

¹⁰ 極樂之池中及須彌山與七金山之內海，皆盈滿八功德水。無量壽經上曰：「八功德水湛然盈滿，清淨香潔，味如甘露。」稱讚淨土經曰：「何等名為八功德水？一者澄淨、二者清冷、三者甘美、四者輕軟、五者潤澤、六者安和、七者飲時除飢渴等無量過患、八者飲已定能長養諸根四大增益。」俱舍論十一曰：「妙高為初，輪圍最後，中間八海。前七名內七中皆具八功德水：一甘、二冷、三軟、四輕、五清淨、六不臭、七飲時不損喉、八飲已不傷腸。」

¹¹ (CBETA, T12, no. 360, p. 271, a18-b9)

¹² (CBETA, T12, no. 360, p. 271, a7-13)

但見色、聞香，意以為食，自然飽足，身心柔軟，無所味著。事已化去，時至復現。/

彼佛國土清淨安隱，微妙快樂，次於無為泥洹之道。其諸聲聞、菩薩、人、天，智慧高明，神通洞達。咸同一類，形無異狀，但因順餘方，故有人、天之名。顏貌端正，超世希有，容色微妙，非天、非人，皆受**自然虛無之身、無極之體。**」

¹³ (極樂世界的殊勝) //

【世人薄俗】：

《佛說無量壽經》卷 2：「然世人薄俗，共諍不急之事。於此劇惡極苦之中，勤身營務以自給濟。**(只有自私自利)**無尊、無卑，無貧、無富，少、長、男、女共憂錢財，有無同然，憂思適等。**(--無教化者)**屏營愁苦，累念積慮，為心走使**(--受心所役使)**，無有安時：有田憂田、有宅憂宅，牛、馬、六畜、奴婢、錢財、衣、食、什物，復共憂之**(我所執)**重思累息**(凡所思慮作息)**，憂念愁怖，橫為非常、水、火、盜賊、怨家、債主焚漂劫奪**(財為五家所有)**，消散磨滅，憂毒忪忪**(音鐘：驚惶)**，無有解時。結憤心中不離憂惱，心堅意固適無縱捨**(固執不化)**，或坐摧碎身亡命終，棄捐之去莫誰隨者。

「尊貴、豪富亦有斯患，**(富貴者亦不能免此：高一層立題)**憂懼萬端，勤苦若此，結眾寒熱與痛共**[居]**俱。貧窮下劣困乏常無，無田亦憂欲有田、無宅亦憂欲有宅，無牛、馬、六畜、奴婢、錢財、衣、食、什物亦憂欲有之。**(無有者冀有)**適有一復少一**(此山望見彼山高)**、有是少是，思有齊等；適欲具有便復糜散**(到了彼山，沒柴燒)**。如是憂苦當復求索**(欲望沒完沒了，永無了期)**，不能時得，思想無益，身心俱勞，坐起不安**(惶惑靡終期)**，憂念相隨，勤苦若此，亦結眾寒熱與痛共俱。或時坐之終身夭命，不肯為善、行道、進德，壽終身死當獨遠去，有所趣向善惡之道，莫能知者。

「世間人民，父子、兄弟、夫婦、家室、中外親屬，當相敬愛，無相憎嫉；有無相通，無得貪惜；言色常和，莫相違戾。或時心諍有所恚怒，今世恨意微相憎嫉，後世轉劇至成大怨。所以者何？世間之事更相患害，雖不即時應急相破，然含毒畜怒結憤精神**(含怨藏怒未嘗不在)**，自然剋識不得相離，皆當對生更相報復**(冤冤相報，何時可了?)**。人在世間愛欲之中，獨生、獨死，獨去、獨來**(黃泉路上，獨往獨來)**，當行至趣苦樂之地，身自當之無有代者。善惡變化、殃福異處，宿豫嚴待**(好命壞運)**，當獨趣入。遠到他所莫能見者，善惡自然迫行所生。**(萬般帶不去，唯有業隨身)**窈窈冥冥，別離久長，道路不同會見無期，**(善緣難遇)**甚難甚難復得相值。何不棄眾事，各**[遇]**曼強健時，努力勤修善，精進願度世，可得極長生？如何不求道，安所須待，欲何樂乎？

「如是，世人不信作善得善、為道得道，不信人死更生、惠施得福，善惡之事都不信之，謂之不然終無有是。**(不信因果)**但坐此故，且自見之，更相瞻視，先後同然。轉相承受父餘教令，先人祖父素不為善、不識道德，身愚神闇，心塞意閉。

¹³ (CBETA, T12, no. 360, p. 271, b25-c9)

死生之趣、善惡之道，自不能見，無有語者；(居楚而楚，居夏而夏，非天性也，積靡使然也—積習所致)吉凶禍福，競各作之，無一怪也。(自己摸索：不燭而行暗，不侶而處獨，擿植索塗—指盲人用杖點地探求道路。比喻暗中摸索。亦比喻研究學問尋找門徑。)生死常道轉相嗣立，或父哭子、或子哭父，兄弟、夫婦更相哭泣，顛倒上下無常根本，皆當過去不可常保。(執取常道，不可開釋)教語開導，信之者少，是以生死流轉無有休止。

「如此之人，矇冥抵突(橫衝直闖)，不信經法，心無遠慮，各欲快意；癡惑於愛欲，不達於道德；迷沒於瞋怒，貪狼於財色。坐之不得道，當更惡趣苦，生死無窮已，哀哉甚可傷。(無明迷惑於事理之真)或時室家，父子、兄弟、夫婦，一死一生更相哀愍，恩愛、思慕、憂念結縛，心意痛著迭相顧戀，(只戀慕於室家之樂：我所執)窮日卒歲無有解已。教語道德心不開明，思想恩好不離情欲。[昏蒙闇塞]惛矇閉塞，愚惑所覆，(徒為無明愚昧無知)不能深思熟計、心自端[正]政、專精行道、決斷世事，便旋至竟年壽終盡不能得道，無可奈何。

「總猥憤擾皆貪愛欲，惑道者眾、悟之者寡，世間忽忽，無可聊賴。尊卑、上下、貧富、貴賤，勤苦忽務(匆匆所務)各懷殺毒，惡氣窈冥為妄興事，違逆天地不從人心，自然非惡先隨與之。恣聽所為待其罪極，其壽未[終]盡便頓奪之。(往往現世報而已)下入惡道，累世[勤]懃苦展轉其中，數千億劫無有出期。痛不可言，甚可哀愍。」

佛告彌勒菩薩、諸天人等：「我今語汝世間之事，人用是故，坐不得道。當熟思計遠離眾惡，擇其善者勤而行之。愛欲榮華不可常保，皆當別離無可樂者。(洞鑒真象，勤行向善)[遇]曼佛在世當勤精進，其有[至心]至願生安樂國者，可得智慧明達、功德殊勝；勿得隨心所欲，虧負經戒在人後也。儻有疑意不解經者，可具問佛，當為說之。」¹⁴

《佛說無量壽經》卷 2：「佛告彌勒：「汝言是也。若有慈敬於佛者，實為大善。天下久久乃復有佛，今我於此世作佛，演說經法，宣布道教，斷諸疑網；拔愛欲之本，杜眾惡之源。遊步三界無所[拘礙拘閔]，典攬智慧眾道之要，執持綱維昭然分明，開示五趣度未度者，決正生死泥洹之道。

「彌勒當知，汝從無數劫來修菩薩行，欲度眾生，其已久遠，從汝得道至于泥洹不可稱數。汝及十方諸天、人民一切四眾，永劫已來展轉五道，憂畏勤苦不可具言，乃至今世生死不絕，與佛相值聽受經法，又復得聞無量壽佛。快哉甚善，吾助爾喜。

「汝今亦可自厭生、死、老、病、痛苦、惡露、不淨、無可樂者，宜自決斷。端身正行，益作諸善；修己潔[淨]體，洗除心垢；言行忠信，表裏相應；人能自度，轉相拯濟；精明求願，積累善本。雖一世勤苦須臾之間，後生無量壽佛國快樂無極，長與道德合明，永拔生死根本，無復貪恚、愚癡、苦惱之患。欲壽一劫、百劫、千億萬劫，自在隨意皆可得之，無為自然次於泥洹之道。汝等宜各精進求心

¹⁴ (CBETA, T12, no. 360, p. 274, b26-p. 275, b9)

所願，無得疑惑中悔自為過咎，生彼邊地七寶宮殿，五百歲中受諸厄也。」¹⁵ //

**《維摩詰所說經》卷 2〈觀眾生品 7〉：「時維摩詰室有一天女，見諸大人聞所說法，便現其身，即以天華，散諸菩薩、大弟子上。華至諸菩薩，即皆墮落，至大弟子，便著不墮。一切弟子神力去華，不能令去。爾時天女問舍利弗：「何故去華？」答曰：「此華不如法，是以去之。」

天曰：「勿謂此華為不如法。所以者何？是華無所分別，仁者自生分別想耳！若於佛法出家，有所分別，為不如法；若無所分別，是則如法。觀諸菩薩華不著者，已斷一切分別想故。譬如人畏時，非人得其便；如是弟子畏生死故，色、聲、香、味、觸得其便也。已離畏者，一切五欲無能為也；結習未盡，華著身耳！結習盡者，華不著也。」¹⁶ /

《維摩詰所說經》卷 1〈佛國品 1〉：「爾時舍利弗承佛威神作是念：「若菩薩心淨，則佛土淨者，我世尊本為菩薩時，意豈不淨，而是佛土不淨若此？」

佛知其念，即告之言：「於意云何？日月豈不淨耶？而盲者不見。」

對曰：「不也，世尊！是盲者過，非日月咎。」

「舍利弗！眾生罪故，不見如來[8]佛土嚴淨，非如來咎；舍利弗！我此土淨，而汝不見。」爾時螺髻梵王語舍利弗：「勿作是[9]意，謂此佛土以為不淨。所以者何？我見釋迦牟尼佛土清淨，譬如自在天宮。」

舍利弗言：「我見此土丘陵坑坎、荊棘沙礫、土石諸山、穢惡充滿。」

螺髻梵王言：「仁者心有高下，不依佛慧，故見此土為不淨耳！舍利弗！菩薩於一切眾生，悉皆平等，深心清淨，依佛智慧，則能見此佛土清淨。」¹⁷

〈唐大圓答范古農問淨土宗屬空派義函〉：

來文：

「大乘各宗教義總歸空有兩，而以淨土屬空派，竊所未喻。得毋可以商量乎？夫以禪宗從空門入，淨宗從有人，古德如徹悟輩言之屢矣！按三經一論，都說相有，罕顯性空，縱觀〈真如法身〉及〈往生無生〉¹⁸等文，亦儘有之。然是心作佛、

¹⁵ (CBETA, T12, no. 360, p. 275, b22-c15)

¹⁶ (CBETA, T14, no. 475, p. 547, c23-p. 548, a6)

¹⁷ (CBETA, T14, no. 475, p. 538, c6-20)

¹⁸ 明幽溪傳燈《淨土生無生論》季聖人造《講義》印光大師序：「即此十界一一非心具心造，心作心是，求生西方，即真無生。以生乎心具心造，心作心是之西方，非彼執理廢事，空有其名，實無其境之西方也。乃決定生而無有生相。決定無生、而無有『無生』之相、之『生無生也』。以信願念佛，求生於自己心具、心造、心作、心是之西方，故雖生而無有生相，雖無生而不住無生之相，此生無論之大指（旨）也。」

聖一居士講義序：以心具、心是為「性德」，故曰「生而無生」。以心作、心造為「修德」，故曰「無生而生」。謂幽溪此論：「該羅五時八教，融貫三觀十乘，性修理事，...由博而約，至頓至圓，令人恍然於三藏十二部極則，一千七百種向上公案，以及六度萬行，無量陀羅尼門，皆攝於一句阿彌陀名之中。」

是心是佛¹⁹，及自性彌陀，唯心淨土等義，均與唯識相應。謂彼代表三論宗，無寧謂彼代表法相宗也？然乎？否乎？如以為然，則集中當更易；如以為否，則請一言開示，俾得印附斯集之後，以釋同抱斯惑者之疑情。專此請教，並希即復。教弟范古農和南。」

唐大圓回函：「唯圓所說空有，即以詳分別法相者為有，以括性體，不復分別法相者，為空。（案：唯識相為有，唯識性為空）淨宗經論，雖亦說極樂境相，稍似說有，然其要旨，在以一句彌陀，總括三藏十二部經，不復分別法相。理應入空。其是心作佛，唯心淨土等義，正是唯識從有說空體之證。謂之非空非有則可，直謂之有則不可。/又徹悟禪師以禪淨相對比較詳略，尚可云禪空淨有，若總比八宗以淨為有，恐難以簡他宗之濫矣。因之拙作所判，不無微意，未識高明以為何如？然居士之妙論，亦堪並行不悖，或兩不相妨矣。手此教復，並頌道安，弟唐大圓和南。」---唯識阿賴耶與如來藏思維相異故，分別則二者相異，會通則「三界唯心」與「萬法唯識」同。

慈善寺對聯---「慈善淨業道場」 （越山 慕樵居士 熊琬謹撰）

慈眉宛轉、毫光普照三千界。
善德莊嚴、福田只爭方寸間。
淨邦勝妙、萬法（行）總歸彌陀願（大願海）。
業盡情空、一超直入如來地。
道悟密因、耳根妙契圓通門。
場面恢宏、法音宣流五大洲。

每句首字嵌「慈善淨業道場」六個字

密因：《楞嚴經》之全名中有「（如來）密因」數字。而「修證了義」所修者，正是「圓通法門」，其中，尤以耳根圓通最為殊勝。

**首句言彌陀慈願無量，次句言淨因首當從善德修之。

三句言萬法歸彌陀，四句言彌陀佛門之殊勝也。

五句言密因在妙選耳根圓通，六句言法音廣被。

¹⁹《佛說觀無量壽佛經》卷1：「諸佛如來是法界身，遍入一切眾生心想中；是故汝等心想佛時，是心即是三十二相、八十隨形好。是心作佛，是心是佛。諸佛正遍知海，從心想生，是故應當一心繫念，諦觀彼佛...。想彼佛者，先當想像。閉目開目，見一寶像，如閻浮檀金色，坐彼華上。[見像]像既坐已，心眼得開，了了分明，見極樂國七寶莊嚴，寶地、寶池、寶樹行列，諸天寶縵彌覆[其]樹上，眾寶羅網滿虛空中。見如此事，極令明了，如觀掌中。見此事已，復當更作一大蓮華在佛左邊，如前蓮華等無有異。復作一大蓮華在佛右邊，想一觀世音菩薩像坐左華座，亦[作金色]放金光如前無異。想一大勢至菩薩像坐右華座。此想成時，佛菩薩像皆[放光明]放妙光；其光金色，照諸寶樹。一一樹下亦有三蓮華，諸蓮華上各有一佛二菩薩像，遍滿彼國。此想成時，行者當聞水流、光明及諸寶樹、鳧雁、鴛鴦皆說妙法。出定、入定恒聞妙法。行者所聞，出定之時憶持不捨，令與修多羅合。若不合者，[14]名為妄想，若[15]與合者，名為龜想見極樂世界。是為想像，名第八觀。作是觀者，除無量億劫生死之罪，於現身中得念佛三昧。作是觀者，名為正觀。若他觀者，名為邪觀。」(CBETA, T12, no. 365, p. 343, a19-b14)

《大學》：

「《詩》云：『邦畿（都城及其周圍的地區）千里，惟民所止。（至、到、停止、居住、棲息）』《詩》云：『緡蠻（鳥叫聲）黃鳥，止（棲息）於丘隅（山岡）。』子曰：『於止，知其所止，可以人而不如鳥乎！』《詩》云：『穆穆（儀表堂堂，品德高尚）文王，於（音烏，感嘆詞）緡熙敬止（緡，繼續。熙，光明。止，語助詞，無意義。）！』為人君，止於仁；為人臣，止於敬；為人子，止於孝；為人父，止於慈；與國人交，止於信。」

---淨土行者，修習淨業，自當心無二念，目無二的（箭靶、目標）。一心一意；棲心於「淨土」，則是所當「止」者矣。